

21. april. 2017

Uunga siunnersuut: Qalerallit aamma aalisakkat allat ilaasa akitsuutaat pil-lugit Inatsisartut inatsisaata allanngortinneqarneranik Inatsisartut inatsisaat nr. xx, xx. xxx 2017-imeersoq. (Avaleraasartuut akitsuutaannik allannguineq)
(Aningaasaqarnermut Akileraartarnermullu Naalakkersuisoq)

Maanna Naalakkersuisut siunnersuuteqarput avaleraasartuunut akitsuut appartineqassasoq angallatinut nunatsinni angerlarsimaffeqartunut kiilumut 0,40 kr-inik angissusilerneqassasoq siunnersuutigineqarlunui.

Aalisariutinulli Qallunaat Nunaanni nunanilu allani angerlarsimaffeqartunut kiilumut 0.50 kr-imik appartinneqarnissaa siunnersuutigineqarluni.

Akitsuutinik appaaneq aningaasatigut sunniuteqassanngitsutut ilimagineqarpoq. Siumumiit Naalakkersuisut siunnersuutaat ilalerparput, neriutugalugu aalisariutaatilinnut aalisarnermik ineriartortitsinissamut atatillugu aningaasagissaarnerulernissamut aqqutissat ilagiumaaraat.

Siumumiit taamatut oqaaseqarluta siunnersuutip Aningaasaqarnermut Akileraartarnermullu Ataatsimiitaliami aapasaaneerneqartinnani suliarineqarnissaa innersuupparput.

Jens Immanuelson, Siumut